

Wenn's Gartetürli gyret

Max Lanz

g, g (C-Dur) (1 st. Jodel)

(f) **Im Gärtli** hinder's Nachbers
Hus föhnd d'Öpfel scho a rote. Ha
gmeint i mües ein stehle drus, do
isch's mer halt vergrote. Refrain ..

My Schatz hät gseit: Gell chunsch
denn z'Nacht, bi gschtorbe schier
vor Plange! Doch han i s'Türli
chum uf-gmacht, do wird i bös
empfange. Refrain

(p) **I chome spot** vom Schöppe
hei. Ha denkt, well lysli mache, do
mues bim tusig-donners nei mi
Katri glych verwache. Refrain

Refrain:

Das chunnt dervo, das chunnt
dervo, wenn's Gartetürli gyret. Es
het scho mängem heimli so de
Ärmel ine g'lyret.